



Province of the
EASTERN CAPE
EDUCATION

**NATIONAL
SENIOR CERTIFICATE**

GRADE 11

**ISIXHOSA ULWIMI LWESIBINI OLONGEZELWEYO – IPHEPHA LOKUQALA
NOVEMBER 2009**

MARKS: 120

TIME: 2 hours

Olu viwo lunamaphepha ali - 15.

IMIYALELO

1. Eli phepha lemibuzo linamacandelo amaNE angala:

ICANDELO A:	Uvavanyo lokuqonda	(30)
ICANDELO B:	Ushwankathelo	(10)
ICANDELO C:	Ukusetyenziswa kolwimi	(60)
ICANDELO D:	Uncwadi	(20)
2. Phendula yonke imibuzo.
3. Bhala icandelo ngalinye kwiphepha ELITSHA uze ukrwele umgca ekupheleni kwecandelo.
4. Shiya umgca emva kwempendulo ngaNYE.
5. Bhala ngokucocekileyo nangokucacileyo.
6. Bhala iimpindulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
7. Qwalasela upelo nolwakhiwo lwezivakalisi.

ICANDELO A: UVAVANYO LOKUQONDA

Funda ezi zicatshulwa zilandelayo ngenyameko uze uphendule imibuzo elandelayo.

Read the following passages carefully and answer the questions that follow.

Lees die volgende uittreksels aandagtig deur en beantwoord die vrae wat daarop volg.

UMBUZO 1

Nceda umntwana wakho enze *umsebenzi wesikolo*

ABANTWANA bawulibala lula umsebenzi wesikolo okanye **bathandabuze** ukwenza de balale. Nanga amacebiso okumnceda awenze umsebenzi wakhe wesikolo ...

- * Xa wena kuqala **ungenamdla** emsebenzini wesikolo womntwana wakho naye akabinawo. Abazali **badlal'indima** enkulu kwimfundo yabantwana babo kwaye xa umncedisa emsebenzini wakhe wesikolo uyakubona ukuba unomdla.
- * Khethani indawo ezolileyo nihlale kuyo nenze umsebenzi wesikolo. Xa kukho nabany' abantwana babize wonk' umntu enz' umsebenzi wesikolo ukuze kungabi ngathi kulo omncinane **uyaqhathwa** wenz' umsebenzi wesikolo lo gama abanye bebukele iTV.
- * Wujong' umsebenzi womntwana wakho ugcine iintsuku zokuziswa kwe-assignments. Umntwana wakho angazitshona ii-assignments xa ezenza ngomzuzu wokugqibela.
- * Ungamenzeli. **Mkhokele**. Mbonise apho angalufumana khon' ulwazi umkhuthaze ukuba azifundele azilungisele yena. Xa usenza njalo umfundisa ukufunda okuza kumnceda ukuba **akwazi ukuzimela** xa esenz' umsebenzi wakhe wesikolo.
- * Yiba nonxibelelwano neetitshala zomntwana wakho ingakumbi xa etsala nzima. Kaloku bona baza kukuncedisa ngokukunik' **iingcebiso** eziza kukunceda.

AMAGAMA / VOCABULARY / WOORDESKAT

-thandabuza	stall / stel uit
Ungenamdla	if you are interested / as jy belangstel nie
-dlal'indima	play a role / speel 'n rol
-qhathwa	missing out / verbeur
mkhokele	guide him/her / lei hom/haar
akwazi ukuzimela	be independent / onafhanklik wees
iingcebiso	advice / raad

- 1.1 Abantwana abangathandi msebenzi wesikolo bathanda ukwenza ntoni malunga nalo msebenzi? (2)
- 1.2 Ukuba umzali akanamdla emsebenzini womntwana, lo mntwana uza kuziva njani ngalo msebenzi? (2)
- 1.3 Umbhali uthini ngendawo yokwenza umsebenzi wesikolo? (2)
- 1.4 Yintoni icebiso lombhali ngokuphathelele kwii-assignments? (2)
- 1.5 Xa umzali engamenzeli umntwana ii-assignments emkhokela qha, lo mntwana uza kufunda ntoni? (2)
- 1.6 Yintoni uncedo lonxibelelwano neetitshala? (2)
- 1.7 Wena mfundi, ufunda eziphi izifundo esikolweni? Bhala izifundo ezibini. (2)
- 1.8 Uwenza nini umsebenzi wakho wesikolo? (1)
- [15]

UMBUZO 2

Ukuziseyivisela imoto yakho

Xa ufuna ukugcina imoto ikwimeko entle endleleni, ezi zinto ungazenzela ngokwakho yaye **zikhongel' imali ...**

Kubhale kwafota uGavin Foster:

Ukuthenga imoto endala yiyona nto ilula, kodwa ukuyigcina ihamba yaye ikhuselekile kokona kuziindleko. Nangona kunjalo, ababini beemoto ezindala kwabaninzi badla ngokucinga ngokulungisa iimoto zabo xa **sezide zema ngx**.

Awudlali ngemali oyichitha ekuseyiviseni imoto yakho, kwaye uninzi leemoto ezindala **ungaziseyivisa** ngezipanela ezimbalwa nangolwazana olungephi onalo.

Ukuba **nolwazana** ngokulungiswa kwemoto kuko okukwenza ukwazi ukubona into ongayilungisa ngokwakho nofanele uyikekele iingcali ezikuqeqeshelweyo ukulungisa imoto. Xa imoto yakho isenewaranti okanye **unesivumelwano sokuyilungiselwa** xa yonakele, mayilungiswe **ziingcali** ezivunyiweyo. Ukulungiswa *kweFuel injection* neziqhuboshi kufuneka ukuyikekele kwiingcali.

Injini yepetroli ifuna ipetroli nomoya ococekileyo **nentlantsi** eza kulumeka ipetroli ukuze ihambe kakuhle. Oko ke kuthetha ukuba *ipetrol filter, i-air filter nesparks plugs* kufuneka usoloko uzitshintsha emva kwethuba elithile. Iiphistini neebheringi zifuna ioyile ecocekileyo ukuze **zingagugi msinya**, ngoko

kufuneka uyitshintshe ne-oyile ne-*oil filter* ngamafutha athile. Kweli ngaku siza kukecebisa ngokutshintsha ioyile nefiltha yayo, ukutshintsha i-*air filter*, nokutshintsha iiplagi ufake ezintsha. Oku kuya **kuyiphucula** indlela ehamba ngayo imoto yakho, ingayityi nakakhulu ipetroli nenjini yakho ihambe ixesha elide ingenangxaki.

[Bona, Juni 2003]

AMAGAMA / VOCABULARY / WOORDESKAT

-seyivisela	service / diens
zikongel'imali	save you money / help jou om geld te spaar
xa sezide zema ngxixalongo	when things have gone wrong / as verkeerd loop
dinge	bit of knowledge / 'n bietjie kennis
nangolwazana	experts / deskundiges
iingcali	maintenance plan / onderhoudsplan
unesivumelwano sokuyilungiselwa	and a decent spark / en 'n behoorlike vonk
nentlantsi	to prevent excessive wear / om slytasie te voorkom
zingagugi msinya	
-phucula	improve / verbeter

- 2.1 Nika indlela enye ongalondoloza ngayo imali ngokuphathele kwimoto yakho. (1)
- 2.2 Ukuthenga imoto kulula kakhulu kodwa yintoni edla imali eninzi? (2)
- 2.3 Iimoto ezindala zingaseyiviswa ngantoni? (2)
- 2.4 Zeziphi iimeko zemoto ezidinga ukulungiswa ziingcali? (4)
- 2.5 Zeziphi izinto ezifuna ukutshintshwa emva kwethuba elithile? (3)
- 2.6 Eli ngaku likucebisa ngokutshintsha izinto ezininzi zemoto (umz: ioyile nefiltha). Oku kutshintsha kuya kunceda ngantoni? (3)

[15]

AMANQAKU ECANDELO A: 30

ICANDELO B: USHWANKATHELO**UMBUZO 3**

Funda lo mhlomlo wandule ukuwushwankathela ngamazwi akho. Landela le miyalelo xa ushwankathela.

1. Shwankathela esi sicutshulwa uthethe ngezi zinto:
 - (i) Izizathu zokusindisa ubomi babantu.
 - (ii) Ukuqeqeshwa kwakhe kulo msebenzi.
 - (iii) Izizathu zokuba abantu bafune ukuzibulala. (7)
2. Bhala ngezivakalisi ezipheleleyo. (2)
3. Shwankathela ngamagama angama-40 ukuya kuma-50. Bhala inani la magama owasebenzisileyo. (1)

[10]

UZithembe Dlamini wenza isigqibo sokuba ufuna ukuba ngumntu othethana nabantu abathimbe abantu nabafuna ukuzibulala emva kokuba umhlobo wakhe wazibulala ngokuziphosa phambi kololiwe. Kungumsebenzi wakhe ukusindisa ubomi babantu abathinjiweyo okanye abo bafuna ukuzibulala eMzantsi Afrika naphesheya.

Ipolisa elineminyaka engama-24 laseNtuzuma eThekwini kufutshane naseXopo kwaZulu Natal lithe inani lokuzibulala kwabantu eMzantsi Afrika nakwamanye amazwe libangele ukuba enze izifundo zokusindisa ubomi babantu.

UZithembe ongunobhala wamaziko asemthethweni phantsi kweSouth African Police Services Finance Section, uye wangumnxibelelanisi wabantu abathinjiweyo nabafuna ukuzibulala emva kokuqeqesho olungqingqwa lweeveki ezimbini ePietermaritzburg.

Njengomnxibelelanisi wabantu abathinjiweyo nabantu abafuna ukuzibulala, umsebenzi wethu kukuthethana nomntu othimbe nantoni na kwinqwelo-moya okanye kwinqanawa, ephasini okanye emotweni.

Ngamanye amaxesha xa umoni engafuni kumamela, kunyanzeleka ukuba kusetyenziswe amandla. Abantu abathethana nomntu othimbe abantu basoloko bekhatshwa ngabantu abaqeqeshiweyo beSpecial Task Force, ukwenzela ukuba xa ngaba lo mntu enobundlobongela iSpecial Task Force singenelele.


UZithembe ucacisa athi abantu aboyikisa ngokuzibulala basoloko besima ekupheleni kwezakhiwo eziphakamileyo okanye ezibhulorhweni. Amaxesha amaninzi eyona nto bayifunayo aba bantu kukuhoywa. Ngamanye amaxesha bazikhomba ngemipu. Uthi ukwanda kwenani lokuzibulala kwabantu bekusothusa ngokutsho kwamapolisa. Uthe oku kwenziwa ziingxaki zomntu okanye iingxaki zasemsebenzini, kwaye inani sele linyuke kakhulu ingakumbi kwabantsundu, kuba abaninzi bahlala ezidolophini apho ubani azenzela into yakhe.

[BONA XHOSA, February 1999]

ICANDELO C: UKUSETYENZISWA KOLWIMI

Phendula YONKE imibuzo kweli candelo.


UMBUZO 4



Jonga le mephu ingentla yedolophu yaseMthatha.

- 4.1 4.1.1 Kule mephu sikweliphi icala isikolo (singentla, singezantsi singaseNtshonalanga okanye singaseMpuma)? (1)
- 4.1.2 Yintoni esemazantsi? (1)
- 4.1.3 Zeziphi izitalato odlula kuzo xa usuka ebhankini usiya ebhayaskophu/ esinema? (2)
- 4.1.4 Xa usuka eMasoka, ujike eMthembu, ungene ngeDlamini, unyuke ngeNcibane ungene eRhadebe; ufika ufumane ntoni? (2)
- 4.1.5 Zeziphi ezinye izakhiwo nezinye izinto ocinga ukuba zifuna ukongezwa kule dolophu ? (2)
- [8]

4.2 Qwalasela le mephu yoMzantsi Afrika ze uphendule imibuzo engazantsi.



- 4.2.1 Linganisa ukuba ungakanani umgama ukusuka eKapa ukuya eBloemfontein? (2)
 - 4.2.2 Linganisa ukuba ungakanani umgama ukusuka eKapa ukuya eRhawutini/Johannesburg? (2)
 - 4.2.3 Yeyiphi eyona ndlela imfutshane ukusuka eDurban ukuya ePietersburg? Ineehilometha ezingaphi? (2)
 - 4.2.4 Fumana eyona ndlela ingcono ukusuka eKimberley ukuya ePietersburg unike nesizathu sokuba utsho? (2)
- [8]

UMBUZO 5

- 5.1 Nika izichasi (**antonyms**) zala magama abhalwe bukekela/akrwelelwe nemigca ngaphantsi.
 - 5.1.1 Xa ufike selidlulile ixesha lokukhwela ibhasi uvalelwa ngaphakathi.
 - 5.1.2 Ndiyakuthanda ukuhamba ngeteksi.
 - 5.1.3 lindlela zaselalini zimxinwa.
 - 5.1.4 Xa uthabatha uhambo olude uhlawula imali encinci. (4)

- 5.2 Funda lo mhlathana ulandelayo uze ulungise iziphene nolwimi olungamkelelanga.

Ukutshintsha kwamaxtsha kuze neenguqu kwihlalo yomntu ngamnye. Kulemihla akusekho ukuxhaphazwa kwabantu Kaloku kukho nelungelo lenkululeko womntu ngamnye kunye nokhuseleko. Yiya izikolweni uyakufika ootitshala bengasasebenzisi luswazi. Kaloku kwawiswa umteto wokuba kuyekwe ukubethwa ezikolweni. Ngxatsho ke mzi wasemzansi afrika. sithi tshotsho ube nenqondo yokuba uonke umntu ube nelungelo. (15)

- 5.3 Khetha igama elifanelekileyo. Khetha kula, ubhale igama elo kuphela.

5.3.1 Ndiza kumnceda (xa / nokuba / ukuba) andimthandi.

5.3.2 (Emva kokuba / emva koko / emva) nditye, ndiza kulala.

5.3.3 (Ukuze / ukuba / xa) ufuna ukuphumelela kufuneka ufunde. (3)

- 5.4 Bhala ezi zivakalisi kwisininzi.

Umz. *Inja iyakhonkotha.*

Imp. *Izinja ziyakhonkotha.*

5.4.1 Umhlobo wakho ubanjiwe ngeCawa.

5.4.2 Umthi awufuni ukukhula ebusika. (5)

- 5.5 Khetha igama elifanelekileyo kula magama akwizibiyeli uvale izikhewu kwizivakalisi ezilandelayo. Bhala igama kuphela.

[yena; likaThemba; eyona; kolu; ezona; eliya]

5.5.1 Abakhenkethi bathanda ukudada ... lwandle.

5.5.2 Ikwayari icula ... ngoma zintle ecaweni.

5.5.3 ... udlala isoka esikolweni. (3)

- 5.6 Khetha isikhuzo esifanelekileyo kwizibiyeli(...) Bhala isikhuzo kuphela.

5.6.1 (Heke! Yhoo!) ababukeli bayabethana.

5.6.2 (Owu! lw-u-u!) alilihle lonke ilizwe! (2)

5.7 Jonga lo mzekelo uze uphendule umbuzo olandelayo.

Umzekelo: “Sifuna ukujonga iTV”, batshilo abantwana.

Impendulo: Abantwana bathe bafuna ukujonga iTV.

(i) “Ndifuna indebe yesoka”, utshilo umqeqeshi.

Sibhale kwakhona esi sivakalisi uqale ngolu hlobo:

Umqeqeshi uthe ...

(2)

UMBUZO 6

6.1 Bhala ezi zivakalisi kwisixando sokwenziwa.

Umzekelo: Ugqirha uxilonga umguli.

Impendulo: Umguli uxilongwa ngugqirha

6.1.1 Abaqeshi balungiselela amakhaya abo.

6.1.2 Ilizwe loMzantsi Afrika liza kwamkela abakhenkethi.

(4)

6.2 Khetha elifanelekileyo kumagama owanikiweyo. Bhala igama kuphela.

6.2.1 Kutheni abadlali besoka (badlale, bedlala, badlala) kakuhle nje?

6.2.2 Abasasazi bamele ukuba (bathethe, bethetha, bangathetha) inyaniso.

6.2.3 Xa imvula (isina, ina, inile), abantu banxiba idyasi yemvula.

(3)

- 6.3 Funda esi sicutshulwa singezantsi, ujonge nomfanekiso, uze uphendule imibuzo elandelayo.



[USEbata esemsebenzini]

Kunqabile ukufumana umntu oyimfama ongafuniyo ukubona Nditsho nemfama yaseBetshaida naseSiloam yayinqwenela ukubona. Kodwa unomahluko uPineas Tauatswala obizwa ngoSebata ngabahlobo nosapho bakhe lwakowabo.

USEbata ukubona kususipho ukuba yimfama kwakhe. “Ukungaboni kundibeka endleleni yokuzazi nokwazi abanye abantu”, utshilo.

- 6.3.1 Ucinga ukuba kukho abantu abaninzi abafuna ukuba ziimfama? (2)
Kutheni utsho nje?
- 6.3.2 UPineas Tauatswala ubizwa ngokuba ngubani yifemeli yakhe? (1)
[60]

AMANQAKU ECANDELO C: 60

ICANDELO D: UNCWADI

Makuphendule **UMBUZO 7** okanye **UMBUZO 8**

UMZALI WOLAHLEKO: S.B.SINXO

Funda ezi zicatshulwa zilandelayo ngenyameko uze uphendule imibuzo elandelayo ngesiXhosa. Bhala izivakalisi ezizeleyo.

UMBUZO 7

7.1 Kwangezo ntsuku zokumka kooNdopho. ULiziwe wacela kubazali bakhe ukuba bamvumele aye kusebenza eMonti. Wayesithi ufuna ukuzambesa. Nangona uMenzile wayesala ukuba uLiziwe ahambe, uNojaji wasuka waba ngakwicala le ntombi yakhe. Woyiswa ke uMenzile wavuma. Wahamba ke uLiziwe waya kusebenza eMonti.

Apho eMonti akazange ahlale kakhulu; wahlala iinyanga ezintandathu wabuya.

7.1.1 Abazali bakaLiziwe babevuya okanye baba buhlungu ngaloo nto yokuba uLiziwe wayefuna ukuya eMonti? Xhasa impendulo yakho. (3)

7.1.2 Kwenzeka ntoni kuLiziwe eMonti? Wabuya? (2)

7.1.3 ULiziwe wayetshate nabani? Ngubani igama likamama womenyi wakhe? (2)

7.1.4 **Gqibezela / Complete / Voltooi:**

UNojaji wayefuna ukuba igama lo mntwana libe (a) ... kodwa uMenzile wayefuna kuba libe (b) ... (2)

7.2 Yadlula iminyaka yamithathu ukususela mhla uNdopho wakhutshwa ngunina esikolweni. Waphuma esafunda ibakala lesithathu. Wahamba namanye amakhwenkwe baya eRhawutini ngejoyini. Akazange acele xa ejoyina, kuloko wasuka wazimela akubona oontanga bakhe bekhwela. UNdimeni yena waphumelela ibanga lesithandathu.

7.2.1 Yayingubani inqununu yesikolo saseNjwaxa? (1)

7.2.2 Kwakutheni uNojaji egqiba ngokumkhupha uNdopho esikolweni? (2)

7.2.3 Emva kokugqiba ibanga lesithandathu, uNdimeni waqhubela phambili ngemfundo yakhe? Yayiyintoni isizathu soko? (3)

7.3 Ezi zivakalisi ziyinyaniso okanye zibubuxoki? Xa zibubuxoki, zilungise.

7.3.1 UNdopho wathi uNqhephe yimfama.

7.3.2 Umakhulu kaNdimeni nguNoseveni

7.3.3 UJomsini wayekhumsha akunxila.

7.3.4 EBhayi uNdimeni wafumana umsebenzi elwandle.

(5)
[20]

OKANYE

AMATHUNZI OBOMI: JJR JOLOBE

Funda ezi zicatshulwa zilandelayo ngenyameko uze uphendule imibuzo elandelayo.

UMBUZO 8

8.1 UMADLOMO: Kaloku uyise wayekho ngoko. Ungakanani na umvuzo wam! Iiranti ezimbini ngeveki. Ngenyanga irente ziiranti ezintathu. Kusala iiranti ezintlanu ukuba sitye. Imali yebhasi iphuma kwalapho neyezibhulukhwe zenu, isuke ke ingabikho eyebhotolo.

UTHEMBA: Ikhubalo leli khaya liya buya lisizele namathamsanqa, mama?

8.1.1 Singathi ooMaDlomo bazizityebi okanye bangamahlwempu? Nika isizathu sempendulo yakho? (3)

8.1.2 UThemba wayebuzisa ngekhubalo. Yintoni ikhubalo? (2)

8.1.3 UMaDlomo wayenangaphi na? (1)

8.1.4 UThemba wafumana ntoni kurhulumente emva kokuphumelela iimviwo? (3)

8.2 UNGXAKI: Ndiya kuyenza nini le nto yokuthi 'Kubomvu, Kumnyama?'

UMADLOMO: Uza kuqala namhlanje oku. Namhlanje kungoLwesihlanu uya kuqhuba kude kube sebusuku. Uya kwenjenjalo nangomso ngoMgqibelo emva kwemini kude kube sebusuku.

8.2.1 UNGxaki uyintoni kuMaDlomo? Ngubani enye inkwenkwe elalini? (2)

8.2.2 Kuthetha ukuthini oku kukhwaza kukaNGxaki? (4)

8.2.3 Enye inkwenkwe ku 8.2.1 yayiza kwenza ntoni ngeli xesha? (1)

8.3 UKHUMBENI : Molo, Dlomo.

UMADLOMO : Bhota, Khumbeni.

UKHUMBENI: Ninjani, Dlomo ngempilo?

UMADLOMO : Hayi sisekho, Khumbeni, unjani wena?

UKHUMBENI: Sihleli nathi, Dlomo. Ubuneendwendwe kule mpela-veki Dlomo? Ndisoloko ndibona abantu bephuma bengena kweli khaya. Ukuba bendingakwazi ukuba ungumntu wecawa ngeba ndithi uyathengisa.

8.3.1 UKhumbeni uyintoni kweli bali? (1)

8.3.2 Ngoobani ezi ndwendwe uKhumbeni abuza ngazo? (1)

8.3.4 Wena, mfundi ucinga ukuba kulungile ukufumana imali ngale ndlela kaMaDlomo? Xhasa impendulo yakho. (2)

[20]

AMANQAKU ECANDELO D: 20

EWONKE AMANQAKU: 120